

Moore - Agape Guls-Sõamyā - God's Love Letter Scriptures

Zā 15:9 Mam me nonga yāmb wa m ba sēn nong maamā. Pa-y mam nonglemā pugē.

Ezayi 43:1,2 - Efēes 2:10 Bala, tōnd yaa Wēnnaam bōn-naandse. B naana tōnd Kiristā maasem yīnga, tū tōnd na maan tuum sōama nins bāmb sēn dag n pīnd n segl tū tōnd wa maanā.

Zeremi 1:5 - Galat 1:15 La sēn dag n welg-a maam toor tū m nan ket n be m ma pugē, la b maan nimbāan-zoeer n bool maamā

Zā 15:16 Ka yāmb n yāk maam ye, yaa maam n yāk yāmba, n ning m tuumd yāmb zutu, tū yāmb na kēng n wom biisi, la tū yāmb biisā na pa wakat fāa. Woto, būmb ning fāa yāmb sēn na kos m baaba ne mam yvōre, b na kō yāmba.

3 Zā 1:2 Mam zo-nongre, mam bōsda Wēnd tū fo yēlā fāa na kēnd sōama, la tū fo yīnga tar laafū wala f sūlgā yēlā sēn ya sōma wā.

Ezayi 43:4 - 1 Pīyēer 2:9,10 La yāmb yē, yāmb yaa buud b sēn tūusi, la naam maan-kvūdba, la buud sēn welg toor Wēnnaam yīnga, neb Wēnnaam sēn da tū y moon n wilg sēn bool-a yāmb n yiis likā pugē, n kēes-y vēenem sēn be ziirā pugā tuum sōama wā. 10 Pīnda, yāmb dag n ka Wēnnaam neb ye, la moasā, yāmb yaa Wēnnaam neba. Yāmb sēn dag n ka paam nimbāan-zoeerā, moasā, yāmb paama nimbāan-zoeere.

Zeremi 31:3 - Efēes 1:4 Wēnnaam yāka tōnd Kirist maasem yīng sēn deng dūni naanego, tū tōnd yī neb sēn ya yell bāmb taoor ye. Wēnnaam nonglemā puga,

2 Tūmote 1:9 Yaa bāmb n fāag tōndo, la b bool tōnd bool-sōngo. La ka tōnd tuum yīng ye, yaa bāmb mengā tulsem la bark ning b sēn maan tōnd a Zezi Kirist pugē hal sēn deng wakat sēn ka singrā wakatā yīnga.

Zā 3:16 Bala, Wēnnaam nonga dūni wā hal wusgo, n kō b Bi-ribl yen tāa wā, tū ned ning fāa sēn na tē n bāmb kōn sāam ye, la a na paam vūm sēn kōn sa.

Ooze 11:8; Ezayi 49:15,16; & Ezayi 41:13,14

Luk 12:32 Mam piisi, da zoe-y dabeem ye. Bala, a taa yāmb ba wā yam tū b kō yāmb b soolmā.

Matye 28:20 La y zāms bāmb tū b sak būmb nins fāa mam sēn yeel yāmb tū y maanā. La gese, mam bee ne yāmb wakat fāa, hal tū ta wakat sēebo.

Zā 14:1 Da sak-y tū y sūyā sāam ye. Tē-y Wēnnaam, la y tē maam me.

Sōamyā 23:1 - Zā 10:11 Maam la pe-kūm-sōngā. Pe-kūm-sōng gēnegda a yōor a piis yīnga.

Sōamyā 23:2 - Vēnegre 7:17 Bala, Pe-bilā sēn be geerā sukā na n dīlga bāmba, la b tall-b n kēng vūm ko-bunds zīsē, la Wēnnaam na n yēesa nintām b ninē.

Sōamyā 23:3,4 - Luk 1:79 n kō neb nins sēn zī lik pugē la kūum maasmē wā vēenem, la a tae tōnd tū d tū laafū sore.

Sōamyā 23:5,6 - 2 Korēnt 1:10 Yaa Wēnnaam kāng n fāag tōndo, la b na fāag tōnd ne kūum a woto buudu. N ye tōnd tara tē-kāngā tū b na n leb n fāaga tōnd yesa.

Filip 4:7 La Wēnnaam laafit wā sēn yūd ninsaalbā bāngr fāa wā na n gūu yāmb
sūya ne y tagsdā a Zezi Kirist puga.

Yel-būna 3:24 & Sōamyā 4:8 - Zā 14:27 Mam basda laafit ne yāmba. Mam kōta
yāmb m laafit. Mam ka kōt yāmb wa dūni wā sēn kōtā ye. Bi y ra maan yūr wall
y yees ye.

Sōamyā 33:18 - 1 Piyēer 3:12 Bala, Zu-soabā geta nin-tirse, bāmb kelgda nin-tirs
puusgo, la b wēnemdeda b neng n basd neb nins sēn maand wēngā.

Rom 5:2 Yaa bāmb maasem yīng la tōnd paam n kē barkā pugē ne tēebo, la tōnd
yasa kāenkāe bark kāng pugē, la tōnd maanda sū-noogo, d sēn gūud
Wēnnaam ziirā ne tēebā yīngā.

Ezayi 55:12 - Luk 19:40 A Zezi leokame yaa: Mam yeta yāmb tū b sā n sīndi, kugā
na n kelmame!

Zā 16:22 Moasā, yāmb tara sū-sāamse, la mam na n leb n yāa yāmba, y sūyā na
n yū noodo, la ned baa a yen kōn yiis yāmb sū-noogā ye.

Luk 12:9 La ned ning fāa sēn na n kūs nebā taoor t'a ka mi maam, Ninsaal Bi-riblā
me na n kūsa Wēnnaam malegsā taoor tū bāmb ka mi-a ye.

Matye 10:30 La baa yāmb zugā zoobd fāa sōdame.

Ezayi 54:10 - Matye 24:35 Saasē la tēng na looge, la mam goamā kōn loog ye.

Matye 11:28-30 Yāmb fāa, zūb sēn zīsg tū y ye wā, wa-y mam nengē, la m na n
kītame tū y vūuse. 29 Rīk-y mam yubl-balgr n pidi, la y sak mam zāmsgo, bala
mam yaa nin-bugsga la sū-mar soaba, la yāmb na paam vūusgo. 30 Bala yubl-
balgr ning mam sēn pit yāmbā yaa faoogo, la zūb ning mam sēn tūkd yāmbā
yaa faasga.

Salomo 2:10 & Ooze 2:14,19,20

2 Korēnt 11:2 Bala, mam maanda sū-kiir yāmb yīnga, la yaa sū-kiir sēn yit
Wēnnaam nengē, tū bōe mam sēn dīk yāmb n kō sīd a yen tāa wā yīnga. Tū
mam tōe tall yāmb n kēng Kirist nengē wa pug-sad sēn ka sāam ye.

Exodus 13:4 - Hebre 13:8 A Zezi Kirist yaa yembr zaamē la rūnna la wakat sēn
kōn sa.

Ooze 13:4 - Tuūma 4:12 Fāagr ka be ne ned a to sā ka a Zezi ye. Tū bōe,
Wēnnaam ka kō ned yūv a to ninsaalba svk dūniyā zug tū tōnd tōe n tū m
paam fāagr ye.

Zā 15:14 Yāmb sā n maan būmb nins mam sēn yet yāmbā, yāmb yaa mam zo-
rāmba.

Zā 14:6 A Zezi yeela yē yaa: Maam la sore, la sīda, la vūm. Ned baa a yen ka tōe
n wa m baaba nengē tū ka tū ne maam ye.

Vēnegre 3:20 Ade, mam yasa rig-noorē n kabsdē. Ned sā n wūm mam koeegā n
pak kūlengā, mam na n kēe yē roogē n dū ne yēnda la yē na n dū ne maam.